

十八部論等二論共一卷

渭九

十八部論失譯 部異執論 陳三藏真諦譯

十八部論

文殊師利問經卷下分別部品第十五

余時文殊師利白佛言世尊佛入涅槃後未來弟子云何諸部分別云何根本佛告文殊

師利未來我弟子有二十部能令諸法住世
部者並得四果三藏平等無下中上譬如海
水味無有異如人有二十子真實如來所說
文殊師利根本二部從大乘出從般若波羅
蜜出聲聞緣覺諸佛悉從般若波羅蜜出文
殊師利如地水火風虛空是一切衆生所住
處如是般若波羅蜜及大乘是一切聲聞緣
覺諸佛出處文殊師利白佛言世尊云何名
部佛告文殊師利初二部者一摩訶僧祇此
大眾老小同會共集律部也

二體毗履此言老宿唯人同會共出律部我入涅槃後一百歲內出一部名執一語
言所執與僧祇同故言一也

出一部名高拘梨部是出律主姓也於百歲內從高
拘梨出一部名多聞出律主多聞智也於百歲內從
多聞出一部名只底舸此山名出律主居處也於百歲
內從只底舸出一部名東山亦律主居處也於百歲
內從東山出一部名北山亦律主居處也此謂從摩
訶僧祇部出於七部及本僧祇是爲八部於
百歲內從體毗履部出十一部於百歲內出
一部名一切語言律主執三世有故於百歲
內從一切語言出一部名雪山亦律主行處也於百
歲內從雪山出一部名犢子律主姓也於百歲內
從犢子出一部名法勝律主名也於百歲內從法
勝出一部名賢律主名也於百歲內從名賢出
一部名一切所貴律主爲通人所重也於百歲內從一
切所貴出一部名肪山律主居處也於百歲內從
肪山出一部名大不可棄律主初生母棄之不棄也又名能射不棄於百歲內從大不可棄出一
部名法護律主名也於百歲內從法護出一部名
迦葉比律主姓也於百歲內從迦葉比出一部名

修姑路句

律主執修
義也

此謂體毗履部出十一

部及體毗履成十二部佛說此祇夜

摩訶僧祇部

分別出有七

體毗履十一

是謂十二部

十八及本二

悉從大乘出

無是亦無非

我說未來起

始滿百餘歲

正覺涅槃後

於茲異論興

於茲異論興

正法漸衰滅

各各生異見

建立於別衆

危險甚可畏

應生厭離心

今於修多羅

觀察佛正教

依於真諦說

求於堅固義

猶如砂礫中

求渴真金寶

我從先聖聞

如來人中日

佛滅度後百一十六年城名已達弗時阿育

王王闍浮提匡於天下尔時大僧別部異法

時有比丘一名能二名因緣三名多聞說有

五處以教衆生所謂從他饒益無知疑由觀

察言說得道此是佛從始生二部一謂摩訶

僧祇二謂他鞞羅

秦主上
部也

即此百餘年中摩

訶僧祇部更生異部一名一說二名出世聞

說三名窟居又於一百餘年中摩訶說僧祇部

中復生異部名施設論又二百年中摩訶提

婆外道出家住支提山於摩訶僧祇部中復

建立三部一名支提加二名佛婆羅三名鬱

多羅施羅如是摩訶僧祇中分爲九部一名

摩訶僧祇二名一說三名出世間說四名窟

居五名多聞六名施設七名遊迦八名阿羅

說九名鬱多羅施羅部至三百年中上座部

中因譯論事立爲異部一名薩婆多亦名因

論先上座部二名雪山部即此三百年中於

薩婆多部中更生異部名犢子即此三年百

中犢子部復生異部一名達摩鬱多梨二名

跋陀羅耶尼三名彌離亦言三彌底四名六

城部即此三百年中薩婆多中更生異部名

彌沙部彌沙部中復生異部因師主因執連

名曇無德即此三百年中薩婆多部中更生

異部名優梨沙亦名迦葉惟於四百年中薩

婆多部中更生異部因大師鬱多羅名僧迦

蘭多亦名修多羅論如是上座部中分爲十二部一名上座部二名雪山三名薩婆多四名犢子五名達摩鬱多梨六名跋陀羅耶尼七名彌離底八名六城部九名彌沙塞十名曇無德十一名迦葉惟十二名修多羅論部今當說根本及中間義彼摩訶僧祇一說出世間說窟居此根本皆說佛世尊一切出世間無有如來是世間法如來一切說皆是轉法輪盡說一切事一切相一切義說如來色無邊光明無量壽命無量念信樂生無有狀足佛不睡眠無問思答無所言說常一其心群生無種種無數皆從如來聞說解如來一心如一切法一念相應慧覺一切法如來一切時盡智無生智常現在前乃至涅槃菩薩不愛母胎白象形降神母胎一切菩薩從右脇生菩薩無有愛想恚害想爲衆生故願生惡趣成就一切煩惱衆生一切聞知觀生聖諦說有欲有離欲色無色界具六識身五根

肉段眼不見色乃至身不覺觸禪定中間亦有言說亦調伏心亦攝受思惟一切作法無有處所須陀洹心數心知其自阿羅漢有從他饒益無知有疑由他觀察言說得道智慧方便得離生死亦得安樂從第八退乃至種性法亦說有退須陀洹退法阿羅漢亦有退法無世俗正見有世俗信根無有記法超昇離生不一斷一切結須陀洹能作一切惡行唯除無間罪一切修多羅皆依了義九種無爲法謂數滅非數滅虛空虛空處識處無所有處非想非非想處十二緣起支道支心性自淨佛爲客煩惱所染諸使非心並心法無緣使異纏繆異使心不相應無有過去未來世法入非智知非無有治須陀洹得禪定如是等名根本所見中間見者隨其別觀察少有自作少有他作少有因緣起一時有二心俱生道即煩惱業想種子即是取諸根四大轉變相續非心心法心滿身中皆可得如是

(謂九)

(四)

皆攝受欲是名中間所見也

彼多聞根本見者佛說五種出世間法無常苦空無我寂滅涅槃出道餘者世俗阿羅漢有從他饒益有無知有疑由他觀察言說得道諸餘一切薩婆多見同也

彼施說根本見者若說諸陰即非業諸不成

諸行展轉施設者無智士夫事無橫死由本業所得長養業根生一切苦從業生福德生聖道道不修亦不失餘一切與摩訶僧祇見同也

彼支提羅阿婆鬱多羅施羅根本見者菩薩離惡趣供養偷婆無大果報阿羅漢有他饒

益無知有疑由他觀察言說得道餘者一切與摩訶僧祇見同

彼薩婆多根本見者說一切有性二種攝一切法謂名及色有道共未來世有法入知法識明法生住滅有爲相三無爲三諦有爲相一諦無爲相四諦次第無間等空無相無願

覲

五

超昇離生思惟欲界繫超昇超昇離生十五心爲向第十六心名爲住果世間第一法一心前三方便有退世間第一不退須陀洹果是不退法阿羅漢有退法非一切阿羅漢得無生智凡夫得離欲瞋恚外道有五通諸天亦得修梵行於七正得覺支非餘禪攝念處不依禪得超昇離生得阿羅漢果色界得阿羅漢果而不得超昇離生無有比鬱單越人得離欲彼亦不得聖道無想天亦不必次第得四沙門果超昇離生以世俗得斯陀含阿那含果四念處一切法諸使心相應一切使是有緣而非使緣起支是有爲說阿羅漢有緣超支阿羅漢有功德增長欲界色界有中陰五識身是有欲五識身還自相應非思惟非心數法心心是緣自性自性不相應心不相應有世俗正見有世俗信根有無願阿羅漢無有學法一切阿羅漢得禪而不必現前阿羅漢有宿業受報有凡夫不善心命終正

受中無命終菩薩是凡夫有結使未超昇離
生未超凡夫地受身衆生數施設一切行磨
滅無法從此世至他世俗數說言有此世

至他世命未終諸行取已盡無有法轉變有
出世間禪有覺有觀無漏有善是因禪定中
無言說八聖道是法輪非如來一切說是轉

法輪佛不說一切事非一切說如義非一切
契經是了義有如是等無量中聞見也

彼雪山部根本見者菩薩凡夫離無明淨佛
國土降神母胎外道無五通諸天不得修梵
行有阿羅漢從他饒益無知疑由他觀察言
說得道諸餘一切有薩婆多見同

彼犢子部根本見者非即是人亦非離陰界
得和合施設故一切陰刹那不住離人無有
法從此世至他世當說人至彼外道有五通
五識身非有欲亦非離欲欲界繫結使修道
斷得離欲非見諦斷忍名相世間第一法超
昇離生十二心起名向第十三心名爲住果

與見者多利羅耶尼三彌底六城有諸有別
說偈分別得說而復墮墮已深貪著從業而
得業

彼彌沙塞部根本見者無過去未來世唯有
現在及無爲於四真諦一無間等見苦即名
見諦苦者即明見真諦諸使非心心諸非有
緣使異纏亦異使心不相應纏與心相應

凡夫不欲瞋恚外道無五通諸天不得修梵
行無中陰阿羅漢無有功德增益五識身有
欲亦離欲六識身覺觀相應無有世俗正見
無世俗信根無有出世間禪無覺出世間法
無有善爲因須陀洹有退法阿羅漢亦有退

法道支是念處攝有九無爲事謂數滅非數
滅虛空善法也不善法如無記法如道緣起
如從胎乃至死諸根四大轉變自滅心心數
法亦轉變自滅佛僧中可得施僧得大果報
非佛佛與聲聞同一道一解脫一切行刹那
無有法從此世至他世如是等根本見同此

等諸中間見者有過去未來世有中陰法入知法識法思業無有身業口業覺觀心相應大地住劫供養偷婆少果報法現在前名使陰界入現在前已法種子能生諸苦謂無明渴愛見業是名中間見法也

彼曇無德根本見者佛非僧中可得施佛得大果報非僧佛道異聲聞道外道無有五通羅漢身是無漏餘一切與摩訶僧祇部同見也彼迦葉惟部根本見者有斷法斷知無有不斷法而斷知業熟而受報不熟不受報有過去因果無有未來同果有一切法剎那有覺法有報餘一切與曇無德部同見

彼相續部根本見者陰從此世至他世非離聖道得滅陰陰有約根本有第一人餘一切與薩婆多部見同是略說一切部見

十八部論一卷

渭九

七